

Terms and Conditions

The Library provides access to digitized documents strictly for noncommercial educational, research and private purposes and makes no warranty with regard to their use for other purposes. Some of our collections are protected by copyright. Publication and/or broadcast in any form (including electronic) requires prior written permission from the Library.

Each copy of any part of this document must contain there Terms and Conditions. With the usage of the library's online system to access or download a digitized document you accept there Terms and Conditions.

Reproductions of material on the web site may not be made for or donated to other repositories, nor may be further reproduced without written permission from the Library

For reproduction requests and permissions, please contact us. If citing materials, please give proper attribution of the source.

Imprint:

Director: Mag. Renate Plöchl

Deputy director: Mag. Julian Sagmeister

Owner of medium: Oberösterreichische Landesbibliothek

Publisher: Oberösterreichische Landesbibliothek, 4021 Linz, Schillerplatz 2

Contact:

Email: [landesbibliothek\(at\)ooe.gv.at](mailto:landesbibliothek(at)ooe.gv.at)

Telephone: +43(732) 7720-53100

Josia. Chronica. C. XXXV. CCLV.

sprengeten/ vnd die Leuiten zogen inen die haut abe. Vnd theten die Brandopffer dauon/ das sie es geben vnter die teil der Veter heuser in irem gemeinen hauffen/ dem HERRN zu opffern / wie es geschriben stehet im buch Mose/ So theten sie mit den rindern auch. Vnd sie kochten das Passah am feur/ wie sichs gebürt / Aber was geheiligt war / kocheten sie in töpffen/ kesseln/ vnd pfannen/ vnd sie machtens eilend fur den gemeinen hauffen. Darnach aber bereiten sie auch fur sich vnd fur die Priester/ Denn die Priester die kinder Aaron schaffeten an dem Brandopffer vnd setten bis in die nacht / Darumb mussten die Leuiten fur sich vnd fur die Priester die kinder Aaron zubereiten.

4. Reg. 23 **VND** die Senger die kinder Assaph stunden an irer Stete nach dem gebot David/ vnd Assaph/ vnd Heman/ vnd Jedithun des Schawers des Königes vnd die Thorhüter an allen thoren / Vnd sie wichen nicht von irem ampt/ Denn die Leuiten ire brüder bereiten zu fur sie. Also ward beschickt aller Gottesdienst des HERRN des tages/ das man Passah hielt/ vnd Brandopffer thet auff dem Altar des HERRN/ nach dem gebot des Königes Josia. Also hielten die kinder Israel die fur handen waren/ Passah zu der zeit/ vnd das fest der vngeseyrten Brot sieben tage. Es war kein Passah gehalten in Israel wie das/ von der zeit an Samuel des Propheten/ vnd kein König Israel hat solch Passah gehalten/ wie Josia Passah hielt/ vnd die Priester / Leuiten/ ganz Juda/ vnd was von Israel fur handen war/ vnd die einwoner zu Jerusalem. Im achtzehenden jar des Königreichs Josia ward dis Passah gehalten.

4. Reg. 23 **NACH** diesem/ da Josia das Haus zugericht hatte / zoch Necho der König in Necho. Egypten er auff zu streitten wider Charchemis am Phrath / Vnd Josia zoch aus im entgegen. Aber er sandte Boten zu im vnd lies im sagen/ Was hab ich mit dir zuthun König Juda? Ich come jzt nicht wider dich/ sondern ich streitte wider ein haus / vnd Gott hat gesagt ich sol eilen / Höre auff von Gott der mit mir ist / das er dich nicht verderbe.

4. Reg. 23 **ABER** Josia wendet sein angesicht nicht von im/ sondern stellet sich mit im zu streitten/ vnd gehorchet nicht den Worten Necho aus dem munde Gottes/ vnd kam mit im zu streitten auff der ebene bey Megiddo. Aber die Schützen **Josia** schossen den König Josia / vnd der König sprach zu seinen knechten/ Führet mich ^{tödtlich verwund daran er auch stirbt.} hin vber/ denn ich bin seer wund. Vnd seine knechte theten in von dem wagen/ vnd führeten in auff seinem andern wagen / vnd brachten in gen Jerusalem / Vnd er starb vnd ward begraben vnter den Grebern seiner Veter. Vnd ganz Juda vnd Jerusalem trugen leide vmb Josia/ Vnd Jeremia klagte Josia/ vnd **Jeremia be-** alle Senger vnd Sengerin redeten ire Klageliede vber Josia bis auff diesen tag. ^{klaget Josia.} Vnd machten eine gewonheit draus in Israel / Sihe / es ist geschriben vnter den Klaglieden.

WAS aber mehr von Josia zu sagen ist/ vnd seine barmherzigkeit nach der Schrift im Gesetz des HERRN/ vnd seine Geschichte / beide ersten vnd letzten/ sihe/ das ist geschriben im Buch der Könige Israel vnd Juda.

XXXVI.

4. Reg. 23 **VND** das Volck im lande nam Joahas / den son Josia vnd machten in zum Könige an seines vaters stat zu Jerusalem. Drey vnd **Joahas** zwenzig jar alt war Joahas/ da er König ward/ vnd regieret drey ^{3. monden König in Juda.} monden zu Jerusalem. Denn der König in Egypten setzet in ab zu **Necho.** Jerusalem / vnd büffet das Land vmb hundert Centner silbers vnd ein Centner golds. Vnd der König in Egypten macht Eliakim seinen bruder zum Könige vber Juda vnd Jerusalem / vnd wandelt seinen namen Joiasim/ Aber seinen bruder Joahas nam Necho/ vnd bracht in in Egypten.

v ij Dvss